

關中金石文字存逸考

關中金石文字存逸考卷五

揚州甘泉毛鳳枝撰

咸甯縣

北魏

張戟等七十人造像記

正書  
神龜二年

未詳所在

全文未見

咸甯縣志載其名今未詳所在 案戟字字書

所無惟說文車部有𨇗字注云車迹也從車從

省臣鉉等曰今俗別作蹤非是

即容切

是𨇗字當

讀𨇗音此戟字疑卽𨇗之或體南北朝時字體

卷五  
最爲龐襍蓋其時本非同文之世也

西魏

僧誓等合邑子廿七人造定光佛像記

正書

未詳所在

全文未見

咸甯縣志云此造像記正書刻石佛背字體款式與富平曹續生涇陽吳神達兩造像記相類號年泐惟太歲甲子可辨當是大統十年在南關社祭臺村石佛寺卽唐青龍寺案此石今未詳所在待訪之

始平伯劉口口爲法顯造玉石像記

正書

大統十七年逸

全文未見

咸甯縣志云此石記刻像下向在咸甯今歸吳

縣畢氏

畢秋帆中丞沅

北周

皇甫景元等造千像碑並碑側

正書

武成二年四月

未詳所在

全文見金石萃編萃編題此碑爲七級浮圖記

寰宇訪碑錄云在咸甯碑陰刻元至正十一年

觀音寺記訪碑錄又載元代碑目云奉元路修

圓通觀音寺記幹勒海壽撰石寶金正書至正

十一年二月在長安又考咸甯縣志引馬氏陝

西通志云圓通寺在東郭外金花坊元至正十

一年建舊志寺內有元御史葉勒海壽碑葉勒海壽即幹

勒海壽明嘉靖十六年僧法沖重修四川按察使

謝朝宣記本寺碑記二十六年拓地構樓供大藏經

七千卷水陸神像五十軸方豎柱有鶴數百飛

鳴盤桓如相慶然遂題樓曰瑞鶴長安張治道

撰碑并誌以詩趙案寰宇訪碑錄列此碑於長

安今以咸甯縣志考之元人所修圓通觀音寺

在今西安府城東郭金花坊其地屬咸甯故列  
此碑於咸甯且詳考其地以待訪云爾 又案  
咸甯縣志東郭輿圖圓通寺在東門外山西會  
館接官廳之西北其東北爲孟家巷其正北爲  
康家稍門 案金石萃編有北周七級浮圖記  
文曰維大周武成三年四月 缺 原典部邑子口  
口他人等仰爲 元帝造七級浮圖 缺 安甯以  
缺 題名有都口主優婆塞皇甫景元等名刻于  
塔上碑連額高八尺二寸五分廣三尺七寸其  
十行行十四格皆刻像無字當卽訪碑錄所謂

皇甫景元等造千佛像碑也至碑在何縣萃編亦未載訪碑錄作武成二年萃編作三年蓋由拓本之誤周明帝以武成二年四月殂武帝卽位明年正月戊申改元保定是武成無三年四月也

宇文康宇文達等造像記

正書  
天和五年六月

未詳所在

全文未見

咸甯縣志載其名今未詳所在矣

邑義一百六十人等造像記

正書  
天和口年六月

存

全文見金石萃編補遺

此石同治時新出在咸甯南鄉上層刻銘記中層刻北面像主趙妙暉等題名共二列兩側亦刻題名

隋

淮安定公趙芬殘碑

正書  
開皇五年

存

文見金石萃編

雍州金石記云今在西安府城東二十里中兆

村

案中兆村今屬咸甯縣南鄉大兆社

碑上半已亡下半裂爲三

今僅存前後二塊土人砌於堡門書法沈勁

嚴始榮造像記

正書  
開皇七年

存



全文見金石萃編補遺

新出咸甯縣南鄉

上開府城皋郡公扈志碑

正書

開皇十四年十一月

未詳所在

全文見金石萃編補遺

碑略云公諱志字須提魏郡內黃人曾祖周魏  
隴西太守祖興贈安定太守父敬儀同三司甯  
邠二州刺史公岳靈受氣星精流祉周太祖經  
營九服言求異士乃引爲內親信魏武晏駕擢  
爲挽郎出身殿內將軍仍加盪寇之號大統末

入監御食周年授都督左侍上士轉帥都督  
宮伯襲爵鶡陰縣開國男食邑二百戶進爲大  
都督領前後二侍命士遷左宮伯都上士保定  
五年授使持節車騎開府儀同三司敕從齊王  
憲東襲宜陽策勳第一授驃騎大將軍開府儀  
同三司大都督領兵增邑二百戶逮雲旗東指  
功實居多帝乃嘉之賞帛口百段授開府儀同  
大將軍給鼓吹一部從討平陽金湯失險仍隨  
鑾駕破高延宗於并州進授上開府封修武縣  
開國公食邑一千四百戶建德六年除使持節

鄭州諸軍事鄭州刺史尋以江淮未靜仗節南  
轅麾旆所臨若照光景授右內雄俊中大夫刺  
史如故尉迴猖獗所在亂階時有洛州反賊邢  
流水聚眾一萬竊據康城公折捶驅之應時瓦  
解大隋啟運萬國朝宗贊道少陽非賢莫可授  
太子右宗衛率賜爵城舉郡公開皇十七年出  
除使持節商州諸軍事商州刺史春秋六十六  
以開皇十四年二月十九日薨於京師宏政鄉  
敬仁里朝旨考其行事易以嘉名諡曰容公禮  
也卽以其年十一月十二日安厝於大興城西

南合郊鄉修福里世子車騎將軍儀同三司世宗等云云

此石未經前人箸錄同治時出咸甯南鄉然不能實指其處志於周隋時以軍功顯周隋書及北史均未立傳賴此碑以傳金石刻之功豈淺鮮哉 隋書元亨傳尉遲迥作亂洛陽人梁康邢流水等舉兵應迥旬日之間眾至萬餘碑中所言邢流水卽指此事

碑云邢流水據康城方輿紀要云康城在河南

禹州西北三十里夏少康故邑後魏孝昌中置康城縣屬陽城郡

夫尉遲迥固

周之忠臣邢流水起兵應迥亦周之義士惟隋

人則呼之爲賊耳而不知已之篡弒乃真爲國賊也後人讀史於此等處須明眼觀之庶不致顛倒是非變亂黑白余嘗以爲自曹魏篡漢後以至北宋惟元魏及五代後唐後漢得國尙正餘皆篡弒相仍如出一轍其時盡忠本朝之士修史者率以叛逆目之如漢董承謀誅曹操本忠於漢也三國志魏志書承爲謀反伏誅以及王凌諸葛誕母邱儉之流皆忠於魏脩史者皆以叛逆目之此皆千古之冤獄緣脩史之人多事二姓已旣失身不得不誣蔑正人掩已之惡

又前朝忠臣新主所忌所謂盜憎主人是也故  
謬爲曲筆以逢迎之其用心亦良苦矣自三國  
至五代君臣衣鉢相傳閱之令人齒冷齊和帝  
斷沈約之舌亦快事也吾鄉焦里堂循春秋左  
傳補疏中因論孔父事發明王淩諸葛誕諸人  
忠烈甚爲條暢足證舊史之謬文多不載又案  
三國志蜀志建安二十年羣下上先主爲漢中  
王先主上言漢帝曰臣昔與車騎將軍董承圖  
謀討操機事不密承見陷害得先主數言而操  
之罪始明承之忠始顯范蔚宗脩後漢書於獻

帝紀書曰建安五年春正月車騎將軍董承偏將軍王服越騎校尉种輯受密詔誅操事洩王午曹操殺董承等夷三族此春秋之筆也而實由先主奏中數言以發其端蔚宗亦以後代之人脩前朝之事故能直書如此

碑云志封城皋郡公皋卽皋字隋書地理志滎陽郡滎陽縣舊置滎陽郡後齊省卷京二縣入改曰成皋郡開皇初郡廢志封郡公蓋在未經廢郡之前也說文本部本讀若滔與本字異皋皋氣白之進也從白從夊古勞切說文夊進趣也故皋字亦訓進是成皋之

皋本作皋自隸變爲皋別體遂出後漢書馬援傳引東觀記曰臣所假伏波將軍印書伏字犬外嚮城皋令印皋字爲白下羊丞印四下羊尉印白下人人下羊卽一縣長吏印文不同恐天下不正者多符印所以爲信也所宜齊同荐曉古文字者事下大司空正郡國印章奏可案援奏所謂四下羊合之正成罕字隸變相承又轉爲罕皆沿譌之誤又說文卒部卒尼有罕字注云司視也從橫目從卒今吏將目捕罪人也罕切此字與隸書罕字相似而音義迥別又案



地之以皋名一訓高詩大雅綿之詩曰迺立皋  
門皋門有伉毛傳王之郭門曰皋門伉高貌禮  
記明堂位庫門天子皋門鄭康成注曰皋之言  
高也陶淵明歸去來詞登東皋以舒嘯旣曰登  
其地必高矣一訓澤詩小雅鶴鳴於九皋毛傳  
云皋澤也韓詩九皋九折之澤春秋昭二十八  
年左氏傳御以如皋射雉獲之杜注云爲妻御  
之皋澤一訓澤曲離騷步余馬于蘭皋注云澤  
曲曰皋漢書地理志河內郡有平皋縣應劭曰  
以其在河之皋處勢平夷故曰平皋應氏所謂

河之皋處卽河之曲處澤之曲曰皋河之曲亦

可曰皋也

方輿紀要云漢成皋城在河南汜水縣西北平皋城在河南懷慶府城東

南七十里入溫縣界

案北周文帝欲行周官命蘇綽專掌其事綽卒  
盧辯成之自是官制屢改故北史盧辯傳云朝  
出夕改莫能詳錄隋書百官志有後齊而無北  
周蓋以其梗概具辯傳中也馬端臨文獻通考  
職官官品命數門亦載北周官制又案北周書  
李遠傳有大丞相親信此碑內親信卽其類也  
泉企傳有左侍上士宇文護傳有宮伯宇文孝

伯傳有左右宮伯其加都督者則兼官也裴寬  
傳有司金二命士碑中前後侍二命士亦卽此  
類又考文獻通考職官考云凡士一命而受爵  
鄭康成曲禮三賜不  
及車馬注亦用是說周禮爵及命士故云一命  
而受爵是命士之名亦周制也考志于襲封鵜  
陰縣男之後時已有爵始領前後二侍故曰命  
士也右內雄俊中大夫蓋勇爵也隋書達奚長  
儒傳有左前軍勇猛中大夫亦卽此類碑云保  
定五年敕從齊王憲東襲宜陽又領所部口張  
掖公於鹿盧交與賊交戰策勳第一案鹿盧交

地名北齊書斛律光傳張掖公者宇文傑也卽  
王傑賜姓宇文氏又案北周書魏元傳天和元  
年陝州總管尉遲綱遣元率儀同宇文能趙乾  
等步騎五百於鹿盧交南邀擊東魏洛州刺史  
獨孤永業敗之案北周書之鹿盧交卽北齊書  
之鹿盧交矣兩國交兵此爲出奇制勝之所也  
鴈揚郎將義城子梁羅墓誌銘正書  
大業四年八月 逸  
全文未見咸甯縣志云葬于京兆郡山北鄉樊  
川之岡

金石文字記云在西安府城外杜曲

杜曲社屬  
咸甯在西

安府城南  
四十里

又云古人之字未必工而後人貴之

者以其所從來遠也此誌正書猶帶八分凡隋以前書皆如此一鳳枝案關中所出隋唐古誌雖原石移徙他處拓本尚可尋覓惟此誌與與平常醜奴墓誌從未見過拓本是可怪也

咸甯縣志云隋梁羅墓誌有山北鄉樊川當今

杜曲或卽山北縣治舊志云東南五十里當別

有本又本志紀事沿革表云後秦姚興分京兆

郡杜城縣置山北縣

建置年  
月無考

後周武帝天和三

年廢山北縣入萬年

周地圖記太平  
廣宇記引其說

隋書地理

志云京兆郡大興縣

卽今咸甯縣

有西魏山北縣後

周廢方輿紀要云山北城在西安府東南五十

里後魏分長安藍田二縣地置山北縣屬京兆

郡後周時廢案方輿紀要云山北城在西安府

東南五十里咸甯縣志云杜曲在城南四十里

一作東南一作南一作五十里一作四十里以

地望準之所差無多則杜曲當爲山北縣地可

無疑義而是否爲縣治則不可定也至隋時其

縣已廢故以鄉名惟寰宇記云山北縣姚秦時

置

西魏書地城考同

隋書作西魏時置方輿紀要謂後

魏時置諸說不同而魏收地形志已有山北縣之名則非西魏時置矣又地形志云京兆郡山北縣有風涼原苦谷案風涼原在杜曲東苦谷今作庫谷在杜曲東南接藍田縣境焉咸甯縣志云今西安府城南鳴犢侯官尹家衛戎店杜曲並南山皆當時山北縣地案此縣置于南山之北故曰山北也

朝請大夫夷陵郡太守太僕卿元智墓誌銘

正書大業十

一年八月

存

太僕卿夫人姬氏墓誌銘

正書大業十一年八月

存

全文見古誌石華

誌云葬於大興縣口口之鄉口口之里案隋書地理志京兆郡大興縣開皇三年置後周舊郡置縣曰萬年高祖龍潛封號大興故至是改焉

隋大興縣卽今咸甯縣

咸甯縣志云二石均於嘉慶十二年出土今歸

常州陸氏 陸祁孫氏 繼輅 台肥學舍札記云

從子耀適 勅文 客西安得二石刻皆新出土者

一題大隋故朝請大夫夷陵郡太守太僕卿元公之墓誌銘諱口字智均空一格洛陽人魏昭



成皇帝之後以大業十一年太歲乙亥八月辛

酉朔廿四日□□葬於大興縣□□鄉□□里

皆空格其一大隋故太僕卿夫人姬氏之誌卽

元公配以甲申日合葬甲申字不空格銘詞四

言四十句每八句提行

案元公誌銘詞共六段每段八句刻作六行共

四十八句姬夫人誌銘詞共五段每段八句分

作十行共四十句是元公誌銘詞較姬夫人銘

詞尚多八句陸二石同一人書蓋歐虞之所從

出而非歐虞之所能到鋒穎如新可寶也劭文

鳳枝

假朱中丞兩健騾負之以歸案陸耀遹字

劭文江蘇武進人爲祁孫從子頗著文名所修

咸甯縣志極爲精核與其及門陽湖董方立

祐誠

本名曾臣所修長安縣志均爲關中志書佳本也惟

二石爲陸君攜去後佳本不可多得帖肆所刻  
姬夫人誌託名歐陽率更者乃贋本也原石今  
已破碎尙在江蘇未能實指其處

鳳枝案刻誌而不書名僅載其字爲他誌所罕  
見誌言智爲昭成皇帝之後六世祖遵常山王

高祖素常山康王曾祖忠城陽宣王祖昂徐州

刺史

昂北史作壽興蓋唐人避諱昂字唐高祖

皇考世祖元皇帝諱昂故壽興之傳以字

行又壽興傳中載其自爲墓誌云洛陽男子姓

元名景昂字即昂字蓋唐人遇丙昂等字皆以

景字代之也父最樂平慎王以北史魏諸宗室傳考

之誌中所載官爵多與史合樂平王最諡慎史中未載北史

自最以下世系無考惟元和姓纂云壽興少子

最最即最字之謄司徒樂平王生亶案元公字智智聰

明也天亶聰明古今習語智之與亶二字本有

關會豈亶即智之名歟又姓纂云亶生文豪太

僕少卿豈亶之子亦官太僕歟抑太僕少卿本

係亶之官銜而誤繫於文豪之下歟不敢臆定

姑存其說以俟考元和姓纂一書經後人重刻卷帙錯亂已非原本然宋以

後譜系之學存什一于千百猶賴有此書也

又姬夫人誌云夫人爲周勳州總管神木郡開國公姬肇之女案北周書武帝紀建德五年克齊并州禽高延宗大封功臣有神木公姬願進封原國公與此誌姬肇封爵姓氏相合附記于此

唐

齊府功曹參軍尹貞墓誌銘

正書  
貞觀二十五年五月

未詳所在

全文見古誌石華續編

誌略云君諱貞字善幹京兆人也七世祖景魏

侍中祖遊洛隋觀城令君早擅英聲夙標令望  
貞觀初乃應齊府辟屈節於功曹參軍俄而辭  
疾去官從其所好粵以廿年五月十四日卒於  
家春秋六十有五其月廿九日殯於終南山禮  
也

此石本出咸甯今未詳所在新唐書太宗諸子  
傳庶人祐字贊武德八年王宜陽進王楚又王  
燕已乃封齊領齊州都督貞觀十一年始歸國  
案貞以貞觀初爲齊府功曹參軍則誌中所謂  
齊王當卽庶人祐也

蜀王西閭祭酒蕭勝墓誌銘

正書

永徽二年八月

逸

全文見古誌石華續編

誌略云公諱勝字元寂東海蘭陵人梁中宗宣  
皇帝之孫太尉安平王周柱國巖之第十三子  
也爰自綺年已膺茅社封爲宜陽侯俄而青蓋  
云歸咸陽起布衣之歎家聲□隕高□□□□  
□□□授散騎郎皇朝爲上輕車都尉蜀王西  
閭祭酒春秋七十有四永徽二年八月十五日  
遘疾薨於萬年縣之崇義里卽以其年歲次辛  
亥八月壬戌朔廿二日甲申窆於萬年縣甯安

鄉鳳栖之原

此石本出咸甯時人因其字似褚河南書續刻  
刺史褚遂良書六字今原石久逸帖肆所行皆  
重模本也勝爲梁中宗宣皇帝蕭詧之孫太尉  
安平王周柱國蕭巖之第十三子新唐書宰相  
世系表有巖無勝得此可補其缺北史蕭詧傳  
云巖字義遠詧之第五子其安平王爵乃蕭詧  
所封傳言巖歷官尚書令太尉太傅誌但言巖  
官太尉而尚書令太傅誌中未載誌言巖在北  
周爲柱國亦北史所未載也互相參觀乃得其

實新唐書列傳高祖子霍王元軌武德六年始  
王蜀後徙吳太宗子鬱林王恪貞觀二年徙王  
蜀十年改王吳又有蜀王愔貞觀五年始王梁  
後徙王蜀因弋敗民稼典軍楊道整叩馬諫愔  
摔擊之御史李乾祐劾愔罪高宗怒貶愔黃州  
刺史案勝爲蜀王西閭祭酒卒於永徽二年其  
時霍王元軌鬱林王恪久已徙封惟愔仍王蜀  
是勝爲祭酒當在蜀王愔府矣新唐書百官志  
吏部司勳郎中掌官吏勳績入轉爲上輕車都  
尉視正四品王府官屬有東西閭祭酒各一人



從七品上

三藏聖教序

太宗御製褚遂良正書  
永徽四年十月

存

三藏聖教序記

高宗御製褚遂良正書  
永徽四年十二月

存

全文見金石萃編

雍州金石記云今在西安府城南十五里慈恩

寺塔下

案慈恩寺  
屬咸甯

序與記各爲一碑塔中空可

登其東西各爲一龕置二碑于中俗呼爲雁塔

聖教以別於同州聖教云

太子左衛長史杜延基妻薛氏墓誌銘

正書  
顯慶三年十

二月

存

全文見古誌石華續編

誌略云夫人諱瑤華河東人也曾祖胃大理卿  
刑部尚書內陽文公祖獻工部侍郎泉資定隴  
四州刺史贈洪州都督內陽穆公父元輟通事  
舍人朝散大夫行益州晉源令夫人誕靈鴻族  
育彩瓊田幼資神穎長而懿淑太子左衛長史  
上輕車都尉京兆杜延基籍望清華聲芳寓縣  
求我令德宜其室家夫人展禮惟勤荐虔誠於  
蘋藻承夫思順終克諧於琴瑟羨柔芳於懿戚  
溢惠譽於中閨藹藹嘉聲祿紅蘭而灑馥亭亭

潔操鑒皓月以分暉既而朝露易侵慘沈疴之  
遽積隙光遄徙愴宵簟之俄空以顯慶二年十  
一月十二日遘疾卒時年廿六粵以三年歲躔  
戊午十二月一日己酉安措于少陵之南原想  
音容之未遐歎居諸之驟易感人神之方曠痛  
顯晦之悠隔嗟鳳去而聲銷悵鸞沈而影寂閱  
殊美於柔翰寄餘哀於貞石其銘曰 烏奕高  
門蟬聯遐祉虹珪交映文軒疊軌效功垂德飛  
芳擅美照灼清猷紛綸緡史其餘慶是襲載誕  
淑靈溫儀粹行玉麗蘭馨動容中軌敷辭有經

挾華邦族譽美閨庭其始暉朝景行悲夜壑月  
掩娥沈星潛婺落露凋芳秀霜摧豔萼潘悼已  
深荀傷可度其靈軒夙駕素幌晨空霜塗咽泣  
曉挽鏘風幽局杳藹寒野蒙籠千秋已矣蓄恨  
何窮其  
四

此石出咸甯縣南鄉杜曲文藻清麗字迹遒秀  
唐刻佳品也所載薛氏祖父官爵名諡均與新  
唐書宰相世系表合杜延基之名不見於史傳  
惟寶刻類編有杜延基所造心經總章元年立  
考總章元年前上距顯慶三年共十一年爲時尚

不甚遠則誌中所謂杜延基當卽其人又安厝  
之厝作措蓋古字通用也 新唐書百官志大  
理寺卿一人從三品刑部尙書一人正三品工  
部侍郎一人正四品下太子左右率府長史各  
一人正七品上太子左右率府本名太子左右  
衛率府此誌但稱太子左衛而無率府二字未  
知其審

秦州刺史宣城公路詮墓誌銘

正書

顯慶六年二月十九

日甲申

存

全文見古誌石華續編

誌略云公諱詮字文昇陽平清水人也祖彩魏  
奉朝請周使持節闕恆德夏四州刺史陽平郡  
開國公父充隋大興縣令內史舍人兵部侍郎  
右武侯將軍長秋令太府卿金紫光祿大夫闕  
鄉縣開國良公以下字迹模糊不可句讀

此誌近出咸甯文字均有可觀惜磨泐已甚惟  
其祖父官爵尚可辨認又誌云薨於州府正寢  
春秋六十有三以顯慶六年二月口口十九  
日甲申遷窆於萬年縣少陵原禮也此三十五  
字亦可辨其餘均類無字碑矣誌前題銜其姓

適當缺處因誌中有漢啟元圖功參伏波之語

係用漢書伏波將軍路博德事而路氏郡望實

出陽平也詩見後因以新唐書宰相世系表考之

詮之三代官爵均列路氏表中與鄙見恰合爲

之一快故定爲路氏云誌云詮官秦州刺史表

云詮官平愛秦三州刺史元和姓纂作平愛秦

三州刺史秦字蓋秦字之譌誌之題銜所卒之

官也表之所載所厯之官也誌中所載平愛二州事迹當在敘文

中惜磨新唐書地理志平州有三一爲河北道

平州北平郡治盧龍縣在今直隸永平府境一見河北道

孟州溫縣下注云武德四年隋令周仲隱以縣

去王世充來降置平州

在今河南懷慶府溫縣境

名縣曰李

城是年州廢又一見江陵府荊州當陽縣下注

云武德四年置平州并析置臨沮縣六年曰王

州八年州廢

在今湖北荊門當陽縣境

愛州一屬嶺南道

治九真縣

在今越南國境

秦州有二一見河東道河中

府蒲州寶鼎縣下注云本汾陰義甯元年以汾

陰龍門置汾陰郡武德元年曰秦州

在今山西蒲州府榮

河縣

一見嶺南道藤州感義郡

本永平郡

甯風縣下

注云武德五年以縣置薺州貞觀五年置新樂



甯風梁石羅風四縣七年更名秦州徙治甯風

十八年州廢詮所官秦州係甯風之秦州方輿紀要

云唐甯風廢縣在今廣西梧州府藤縣西百里因其與愛州相近同屬

嶺南道也今江蘇揚州府所屬秦州係南唐昇元年置與此迥別焉若詮所

官之平州確係何州未能實指其處又表云文

昇字文昇誌云諱詮字文昇蓋表遺其名賴誌

而其名始彰也又唐龍朔元年歲次辛酉誌作

顯慶六年歲次辛酉考通鑑唐高宗紀二月乙

未晦改元龍朔此誌刻于二月十九日甲申在

改元之前十一日故仍用顯慶之號也又韓昌

黎集有襄陽郡王平陽路應碑云惟路氏遠有  
代序自隋尙書兵部侍郎諱袞四代而至冀公  
云云韓文之路袞卽此誌之路充韓文之平陽  
卽此誌之陽平均當從誌爲正舊唐書路隋傳  
作陽平人與誌合 隋書百官志大興令從五  
品內史舍人正六品後加爲從五品六部侍郎  
各一人正四品有武侯將軍從三品長秋監令  
一人從五品丞二人正七品均用士人太府卿  
金紫光祿大夫均正三品開國郡公從一品  
附陽平清水考

隋書地理志武陽郡即三國魏所置陽平郡亦曰魏州今直隸大名府境

地館陶縣下注云舊置毛州顏師古曰隋置毛州誤以屯氏河為

毛河也館陶縣志云屯氏故河在縣西南五十里方輿紀要云今衛河所行即漢屯氏河故道

大業初州廢方輿紀要引堂邑縣志云毛州城在縣北五十里俗名侯固塚塚南

今有城址相傳即隋毛州治又有舊陽平郡開

皇初廢唐書地理志魏州魏郡本武陽郡館陶縣下

注云武德五年以館陶冠氏及博州今山東之東昌府

堂邑貝州今直隸廣平府清河縣之臨清清水置毛州貞

觀元年州廢省清水入冠氏今為冠縣屬山東東昌府又方

輿紀要云直隸大名府本漢魏郡地三國魏分

置陽平郡治元城縣

今直隸大名府元城縣

晉因之宋文

帝置東陽平郡後魏因之治館陶後周末置魏

州治貴鄉縣

貴鄉縣城在今直隸大名府大名縣境

隋初因之大

業初改爲武陽郡唐武德四年復爲魏州又云

臨清州館陶縣

館陶縣今屬山東東昌府

三國魏屬陽平郡

晉因之石趙時徙陽平郡治此劉宋及後魏因

之後周末兼置毛州隋廢郡存州大業初州廢

縣屬武陽郡唐初復置毛州貞觀初州廢縣仍

屬魏州又云東昌府冠縣有清水堡在縣東北

四十里唐初置清水縣屬毛州貞觀初省入冠

氏縣今亦爲清水堡城案毛州與後趙徙治館

陶之陽平郡同一治所是清水縣旣屬毛州亦

屬陽平郡故誌云陽平清水人也隋唐之時州郡互稱如京

兆長安人亦可云雍州長安人蓋州郡同惟顯一治所文字中或稱郡或稱州改易不常

慶之時陽平郡已廢清水縣已省入冠氏而誌

猶從其朔豈郡邑沿革年月史志有舛漏歟抑

作誌之人數典不忘其祖歟未敢臆定也陽平

本漢縣屬東郡至三國魏因縣名而置郡惟漢

陽平縣在今山東東昌府莘縣境三國魏陽平

郡治元城在今直隸大名府元城縣境後趙陽

平郡治館陶在今山東東昌府館陶縣境周隋即後

唐毛州治所

相距皆不甚遠而實非一地不可不辨

也

舊唐書路巖傳陽平冠氏人也是時清水已省入冠氏故稱爲冠氏人

李府君夫人王氏墓誌銘

正書

咸亨元年十二月

逸

全文見古誌石華續編

誌略云夫人諱琬字令璣其先太原之望族也  
大唐咸亨元年歲次庚午十二月庚午朔一日  
庚午因疾卒於萬年縣永昌里第春秋八十有  
一卽以其月十五日甲申遷窆於雍州白鹿山  
之北原禮也子給事郎伏奴云云

此誌本出咸甯今未詳所在矣方輿紀要引通  
釋云白鹿原在咸甯縣東二十里相傳周平王  
時有白鹿遊此因名誌中白鹿山卽白鹿原也  
雍勝錄云白鹿原者南山之麓坡陁爲原也東  
西十五里南北二十里霸水行於原上至於霸  
陵皆此原云咸甯縣志云白鹿原在縣東互韓  
森元興狄寨曹家堡四社之境其東南接藍田  
蓋城東之大原也今霸水皆從原上行北入於  
渭

左親衛裴可久墓誌銘

正書

咸亨四年二月

未詳所在

全文見古誌石華續編

誌略云君諱可久字貞遠河東聞喜人也祖勣  
衛尉少卿邢州刺史翼城公父居業梁州都督  
府司馬君見賞通人知名先達選補國子生俄  
轉左親衛咸亨三年七月廿八日遘疾終於襄  
陽春秋廿五粵以四年歲次癸酉二月丁巳朔  
廿九日窆於京兆之朱坂云云

此誌同治時出于咸甯今未詳所在矣可久爲  
東眷裴氏其祖父之名均見新唐書宰相世系  
表惟表作裴熙勣誌作裴勣爲小異耳又表云



勤官洛州刺史誌作衛尉少卿邢州刺史翼城  
公其父居業官梁州都督司馬及可久之名表  
中均未載得此可補其闕又世系表中有兩裴  
居業一爲裴勣子一爲裴大方子亦考古者所  
當知也誌云寔於京兆之朱坂案咸甯縣南鄉  
金霽霑社有朱坡村或曰漢丞相朱博故里未  
知卽朱坂否新唐書百官志衛尉少卿二人從  
四品上大都督府司馬二人從四品下中都督  
府司馬一人正五品下下都督府司馬一人從  
五品下十六衛親衛之府一曰親府所屬親衛

正七品上武德貞觀世重資蔭二品三品子皆  
補親衛云

濟度寺尼法燈法師塔銘

正書  
永隆二年三月

未詳所在

全文見古誌石華續編

誌略云法師諱法燈俗姓蕭氏蘭陵人也姊弟  
四人同出三界以總章二年十月五日遷口於  
蒲州相好寺春秋卅有九權殯於河東縣境口  
永隆二年歲次辛巳三月庚午朔廿三日辛卯  
歸窆於雍州明堂縣義川鄉南原禮也

此誌與其姊法樂法師誌均出咸甯法樂誌今

歸渭南趙乾生詹事

元中家此誌未詳所在考

證已詳法樂誌後茲不復贅云

幽州范陽令楊君夫人韋氏墓誌銘

正書

永隆二年八月

未詳所在

全文見古誌石華續編

誌略云夫人諱檀特字毗耶梨京兆杜陵人也

魏太傅鄭襄公之曾孫周內史京兆尹河南公

之孫隨尚衣奉御舒國公之第二女年甫十五

歸於隨尚書左丞國子祭酒宏農楊汪第五子

幽州范陽縣令政本卅有幾卽喪所天惻惻獨

處哀哀長疾粵以永隆二年八月一日終於永甯里春秋七十有四卽以其月十八日窆於雍州明堂縣義善鄉禮也

此石同治時出於咸甯今未詳所在矣鄧襄公

者韋孝寬也

北周書北史均有傳

河南公者韋總也舒國

公者韋匡伯也均見新唐書宰相世系表中誌中官爵多與史合楊汪隋書有傳亦見宰相世系表而政本之名表中未載得此可補其闕

代州都督許洛仁妻宋氏墓誌銘

正書無年月

逸

全文見古誌石華誌云葬於龍首原誌作誌他

卷五  
誌所無此石久逸今有重模本

三階大德禪師碑額

正書

存

額字見金石萃編補遺

咸甯縣志云在薦福寺俗名小雁塔此石在寺

內鐘樓下

鳳枝

曾見之

佛遺教經殘石

正書  
無年月

未詳所在

咸甯縣志云縣民裴亦芬所得後歸常州董氏

今未詳所在矣

兜率天經石幢

正書  
無年月

未詳所在

石墨鐫華云此書大有歐陽率更法志川中尉

掘地得之一字不堪可玩也今石在志川府案  
咸甯縣志云中尉朱敬鑣墓在曲江北有碑題  
曰志川先生墓則志川府當時亦在曲江左右  
也敬鑣善行草書宗法二王所書金剛經今在  
碑林所撰梅雪軒詩集刻爲法帖具行草各體  
蓋明代宗藩多工詞翰而秦藩尤多文學之士  
也敬鑣又有在慈恩寺所書心經筆法仿懷  
仁聖教字  
跋云先塋在曲江北蓋近守冢處也

薛剛墓誌銘

薛元一撰并書  
入元元年五月

至文見古誌石華

逸

誌云葬於長安龍首原咸甯縣志云石本藏縣民裴亦芬家後歸常州董氏案此石今久逸矣

比邱尼圓滿碑銘

正書  
無年月

逸

全文未見

石墨鐫華目錄云在華嚴寺

咸甯縣志云華嚴寺在西安城南二

十里樊川北隈有  
會聖院真如塔

城南遊記云由杜曲西北爲

楊萬坡夏侯村上華嚴寺西有二塔二塔之西

一塔敗垣中有唐比丘尼圓滿斷碑書者不知

何人全出褚登善波拂處虬健絕倫銘內有神

龍二年并鎮國太平公主等語當是中宗時人

習登善書者按此石今久逸矣

王三娘墳記

正書

神龍二年二月

逸

雍州金石記云此石在西安府城南十里其文曰氏故妻王三娘長安人也春秋三十有八儀鳳二年八月五日捨化其月殯亡親院後至神龍二年二月八日修建墳焉書法遒媚可存案此石今久逸矣

秦州都督士曹參軍顏瑤墓誌銘

正書

景龍二年二月存

全文見古誌石華

誌云葬於雍州萬年縣曲池坊之北一百步余



友王叔琴大令聯彭常句當公事至咸甯縣屬

之鳴犢鎮云此石在鎮內古廟壁間

長安縣丞蕭思亮墓誌銘

顏惟貞撰正書  
景雲二年九月

存

全文見古誌石華

誌云窆於神禾原古誌石華云神和原在咸甯

縣南三十里

和一案

顏惟貞魯公真卿之父也

誌云夫人譙郡能氏左金吾將軍元逸之女

古誌石華云夫人熊氏誌作能氏左氏春秋傳

晉侯夢黃能釋文云熊亦作能

鳳枝

案元和姓

纂引姓苑云能氏長安人楚熊摯之後避難改

爲能氏唐有京兆少尹能延休鄆縣人上元中  
眞州刺史檢校刑部尚書河北招討使能元皓  
生昱昱太僕少卿又王伯厚姓氏急就篇云  
能音耐呂氏春秋能意見齊宣王唐有能元皓  
孝友傳能君德是能氏本熊氏所改謂其出於  
熊姓可也謂能字爲熊之譌則不可也又左傳  
昭七年晉侯夢黃能入於寢門正義曰諸本皆  
作熊字賈逵云熊獸也又爾雅釋魚云鼈三足  
能張衡東京賦云鼈三趾梁王云鯨之所化是  
能鼈也若是熊獸何以能入羽淵但以神之所

化不可以常而言之若是能鼃何以得入寢門  
先儒既以爲獸今亦以爲熊獸是也陸德明經  
典釋文云黃能如字一音奴來反亦作熊音雄  
獸名能三足鼃也解者云獸非入水之物故是  
鼃也一日既爲神何妨是獸案說文及字林皆  
云能熊屬足似鹿然則能既能熊屬又爲鼃類今  
本作能者勝也東海人祭禹廟不用熊白及鼃  
爲膳斯豈鯨化爲二物乎洪北江亮吉左傳詁  
云黃能之能刊本作熊相沿已久今從釋文改  
正考外傳亦作能韋昭注曰能似熊其說與說

文字林合論衡無形篇亦作黃能釋文云今本作能者勝也能讀如字爲允若奴來切則似三足鼈矣宋庠國語補音亦無左傳作熊之語明左傳舊本作能也水經注引作其神化爲黃龍尤誤案諸家之說黃能或爲獸屬或爲魚屬無從臆定而左傳黃熊之熊總以從黃能爲是因考證能姓而附及之

三國志王朗傳孔融與朗書有黃能出羽淵之語

是漢魏以來皆作黃能也

京兆總苑監茹守福墓誌銘

正書

開元十一年八月

逸

全文見古詩石華

誌云葬於城南香積寺關中金石記云此石在咸甯香積寺案此石今久逸矣新唐書百官志京都諸宮苑總監監各一人從五品下

內侍高福墓誌銘

孫翌撰文行書開元十二年正月

逸

全文見古誌石華

誌云遷窆於京兆府白鹿原之西隅關中金石記云此石向在咸甯農家乾隆辛丑五月余購得之移置靈巖山館案此石今久逸矣有重模

本

舊唐書儒學傳云孫季良者河南偃師人也一名翌開元中爲左拾遺集賢院直學士撰

正聲詩集三

卷行于代

殿中少監唐昭女端墓誌銘

行書開元十二年六月

逸

全文見古誌石華

誌云窆於萬年縣義善鄉之原咸甯縣志云此石於嘉慶二十二年出土後歸常州董氏案此石今久逸矣有重模本 新唐書百官志殿中少監二人從四品上

唐施令于士恭墓誌銘

正書開元十五年七月

逸

全文見古誌石華

誌云祔於京兆神禾原咸甯縣志云石藏縣民裴亦芬家案此石今久逸矣

敬節法師塔銘

正書

開元十七年七月

逸

全文見金石萃編補遺

序略云維大德俗姓盧諱敬節范陽人也祖尙  
書遠口棲志邱園父樂司徒季英閑居遁世愍  
於稚子過以羣流放令出家不從文秩令投虔  
和上受業年甫什歲日誦千言至二十九入道  
具臘寺舉都維那開元十七年七月十五日終  
於私房春秋七十有五窆於神禾原律也  
關中金石記云在咸甯杜永村案此石今破碎  
矣

濟度寺尼惠源和上神空誌銘

楊休烈撰蕭定正書開元二十五年九月

逸

全文見古誌石華

寰宇訪碑錄云在咸甯咸甯縣志云在少陵原  
雍州金石記云在西安府儒學案此石今久逸  
矣

騎都尉薛良佐塔銘

薛鈞撰薛良史正書天寶三載閏二月

逸

全文未見

金石文字記云文言年止二十八卒於里第塔  
於終南山施陀林善知識之次此官而葬以僧



者

關中金石記云在終南山案此石今久逸矣

潛研堂金石文跋尾云薛良佐塔銘余所得拓

本損其一角姓名不可得見首稱龍集協洽者

天寶二載癸未歲也云以來年閏二月十四日

塔於終南山考溫公通鑑目錄天寶三載正閏

二月金石文字記云閏四月轉寫之誤爾其云

痛三武之喪偉節蓋用賈彪事三武者三虎也

鳳枝案後漢書賈彪傳云賈氏三虎偉節最怒

尊勝陀羅尼經幢

正書興聖寺尼決定造  
天寶五載九月

存

咸甯縣志云在田家灣田家灣屬韓森社在咸

甯東鄉距西安府城十五里

尊勝陀羅尼經幢

正書司馬霜讚  
天寶六載十二月

未詳所在

讚見金石萃編

寰宇訪碑錄云在咸甯咸甯縣志亦載其名今

未詳所在矣

金剛經幢殘本

蔣圖撰記張賁行書  
天寶七載三月

會昌二年重修存

記見金石萃編

咸甯縣志云在城南李家村案此幢書法道逸

仿懷仁聖教序

內侍孫志廉墓誌銘

申堂構撰韓獻之行書  
天寶十三載六月

逸

全文見古誌石華

誌云葬於長樂原雍州金石記云此石在西安  
府城南十五里田家灣乾隆丁丑土人取土得  
之古誌石華云是誌向在咸甯農家乾隆四十  
三年畢中丞沅移置靈巖山館咸甯縣志所載  
同案此石今久逸矣 新唐書藝文志云包融  
與儲光羲皆延陵人曲阿有餘杭尉丁仙芝緱  
氏主簿蔡隱邱監察御史蔡希周渭南尉蔡希  
寂處士張彥雄張潮校書郎張暈吏部常選周

瑀長洲尉談戴句容有忠王府倉曹參軍殷遙  
硤石主簿樊光橫陽主簿沈如筠江甯有右拾  
遺孫處元處士徐延壽丹徒有江都主簿馬挺  
武進尉申堂構皆有詩名殷璠彙次其詩爲丹  
陽集者申堂構在唐時本擅詩名此誌駢文雅  
潔可誦惟唐書云構爲武進尉誌作陝郡平陸  
縣尉爲不同耳

雲麾將軍劉元尙墓誌銘

寶析撰田穎行書  
天寶十三載十一月

逸

全文見古誌石華

誌云窆於龍首原舊塋咸甯縣志云石藏吳縣

畢氏案此石今久逸矣

馬邑郡尚德府折衝都尉張希古墓誌銘

田穎行書  
天寶十五

載四月

逸

全文見古誌石華

誌云窆於鳳城南樊川之北原關中金石記云

石在長安劉氏案此石今久逸矣

內侍省內寺伯劉奉芝墓誌銘

趙昂撰劉秦行書  
上元二年辛丑正月

未詳所在

全文見古誌石華續編

誌略云公諱奉芝其先彭城人也曾祖寶皇右

領軍衛折衝都尉祖敬皇左衛果毅都尉父柱  
贈將作監公監之第二子解褐拜內坊典直秩  
滿授內府局丞無何轉本局令尋遷內寺伯以  
上元元年十二月十九日大漸於輔興里之寢  
居時年六十五以今上元二年辛丑歲正月丁  
亥十一日丁酉與前夫人趙氏合祔而同穴嗣  
子景延倩等云云

此石近時出土未知移徙何處新唐書百官志  
內侍省內坊典直四人正九品下內府局丞二  
人正九品下令二人正八品下

新平郡王儼墓誌銘

韓述撰正書  
永泰元年五月

逸

全文見古誌石華

誌云葬於萬年縣龜川鄉細柳原案此石今久  
逸矣新唐書十一宗諸子傳奉天皇帝琮元宗  
之子本封慶王天寶十載薨贈太子謚靖德肅  
宗立進諡奉天皇帝妃寶爲恭應皇后墓號齊  
陵新平郡王儼本太子瑛之子瑛既廢元宗使  
慶王畜儼等爲子故誌云儼爲奉天皇帝之長  
子也後乃以瑛之第四子侁嗣慶王云

光祿卿王訓墓誌銘

關澤王德撰并正書  
大曆二年八月

存

全文見古誌石華

誌云厝萬年縣澧川鄉澧川原雍州金石記云此石在西安府城東十五里田家灣案訓子涇陽主簿郊尚有一誌近時出土石藏渭南趙乾

生簷事

元中

家

見卷二西  
安府下

杜府君夫人韋氏墓誌銘

李宣撰姪成均行書  
貞元十年八月

逸

全文未見

金石文字記云此石在西安府城外寺坡

寺坡今屬

咸甯南鄉  
杜曲社

杜君官至京兆尹名濟案此石今久

逸矣

杜君之名賴金石文字記一語以傳否



則不知爲誰何氏矣

保唐寺天王燈幢贊

柳澈撰正書  
元和七年五月

存

全文見金石萃編

雍州金石記云此石在西安府城南三里李家

村咸甯縣志云在中兆村

中兆村今屬咸甯  
東南鄉大兆社

大德塔銘

沙門文湜撰王叔清正書  
元和十二年八月

逸

全文未見

雍州金石記云在西安府城南題曰唐大德

塔并序釋門弟子文湜撰王叔清書略云和尚

俗姓柳河東人也因隨父任家寄鄭州出家洛

陽元和十二年八月八日坐化云云後列僧弟子三十餘人石已磨滅幾不能讀和尚之名無由識也而小楷書字畫近古故記之案此石今久逸矣

龍花寺韋和尚墓誌銘

韋同朗撰正書元和十三年七月

未詳所在

全文見古誌石華

誌云遷神於萬年縣洪固鄉畢原

長安縣志與圖所繪畢原

在縣西南鄉宮張村之西仁村之北仁村東北距省城二十餘里宮張村東北距省城二十五里案此石未詳所在而字迹遒勁實唐楷之佳

者又有一石題中書侍郎翰林學士李吉甫撰

并書乃重模本非原本也

光祿卿贈左散騎常侍順陽公范傳正女阿九墓誌

銘

范鄴述正書  
長慶三年四月

未詳所在

全文見古誌石華續編

誌略云皇光祿卿贈左散騎常侍順陽公次女  
字阿九年十六以長慶二年十二月十九日疾  
終於京兆長興里明年四月十三日窆於國之  
東隅白鹿原之別業案此石今未詳所在矣  
新唐書列傳云范傳正字西老鄆州順陽人父  
倫爲戶部員外郎與趙郡李華善有當世名傳

正舉進士宏辭皆高第授集賢殿校書郎歷歙  
湖蘇三州刺史有殊政進拜宣歙觀察使代還  
改光祿卿卒贈左散騎常侍此誌所謂順陽公  
卽范傳正也惟傳中未載順陽公封爵得此可  
補其缺焉又傳正觀察宣歙時嘗爲李白遷葬  
當塗之青山又爲立碑誌墓恤其二女孫免其  
女孫夫家之徭役其人殆賢者也事詳傳正自

撰李公新墓碑銘中

文見鍾惺  
唐文歸

陀羅尼經幢

行書  
寶曆元年四月

未詳所在

寰宇訪碑錄云釋惟淨等爲師應澄造咸甯縣

志云在馬頭空

馬頭空今屬咸陽南鄉黃渠今社在西安府城東南二十里

未詳所在矣

沔王府諮議參軍張侔墓誌銘

盧從儉撰韓達入分書大和三年十月

未詳所在

全文見古誌石華續編

誌略云君諱侔字侔其先北地貴強族也曾王父栖巖皇平州刺史大父瓌皇龍崗節度邢洺觀察使邢洺生道晏皇左散騎常侍兼御史大夫涿州刺史公卽涿州第三子公之元舅司徒高公諱霞寓常隨族父崇文平劍南西川寇難

論功第一徵拜衛將軍尋授振武軍節度使又  
轉唐鄧邠甯慶等道節度使以公孝敬忠節可  
口戎事而曰吾之宅相其在爾乎因推頰輔之  
恩委以牙門之任歷職既久官秩屢遷以大和  
三年八月十一日終於沔王府諮議參軍年四  
十四夫人清河崔氏有子一人曰憲郎公之內  
弟右威衛將軍扶卽司徒公之元子也爰悉家  
財式護窀穸以其年十月廿三日窆於萬年縣  
崇義鄉南姚里蓋從宜也

此石道光時出土爲涇陽縣尉吳縣姜君榮所

得今未知移徙何處矣誌言侔之大父爲龍岡

節度邢洺觀察考新唐書地理志龍岡爲邢州

附郭縣

方輿紀要云唐龍岡縣即今直隸順德府所治邢臺縣也

又攷方鎮

表邢洺二州隸昭義節度而龍岡之立節度邢

洺之設觀察方鎮表均無明文得此可補其闕

高霞寓新唐書有傳誌中所載霞寓官階皆與

傳合沔王名郇憲宗子見十一宗諸子傳書誌

之韓達名見宰相世系表中 新唐書百官志

王府諮議參軍事一人正五品上

登封縣令崔蕃墓誌銘

趙博齊撰正書大和七年十一月

未詳所在

全文見古誌石華

誌云葬於京兆□□縣甯安鄉案此石今未詳  
所在矣 大理司直辛幼昌墓誌睦畚撰自題  
姑射處士見卷二西此誌趙博齊撰自題嵩陽  
隱士皆以別號入銜者亦金石之一例也

李琮墓誌銘

昔耘撰李興正書左行  
大和八年二月

未詳所在

全文見古誌石華續編

誌略云府君諱琮字溫中先曰隴西人也曾祖  
欽皇金紫光祿大夫左金吾大將軍贈太子太  
保祖厚皇開府儀同三司太尉兼中書令贈太



師父慤雲麾將軍前右龍武將軍知軍事府君  
未踰弱年兩覲銓選大和二年八月一日終官  
於朝請郎行都水監丞雲騎尉以是年是月十  
五日墓於京兆府萬年縣甯安鄉杜光里

此誌本出咸甯今未詳所在琮爲西平王晟之  
孫右龍武將軍慤之子新唐書宰相世系表晟  
子有名慤官嵐州刺史者卽琮父也惟表中未  
載琮名行此可補其闕書誌之李璵當亦琮之  
兄弟行百官志太師太傅太保各一人曰三  
太尉司徒司空各一人曰三公皆正一品左右

金吾衛大將軍各一人正三品左右龍武軍將軍三人從三品文散階正七品上曰朝請郎都水監丞二人從七品上官吏勳級二轉爲雲騎尉視正七品 元和姓纂引風俗通周大夫封昔因氏焉漢昔登爲烏傷令開元昔安仁生豐大理評事汝州人撰文之昔耘卽其後裔也

楚州兵曹參軍劉銓墓誌銘

景琰撰正書  
大和八年十一月

逸

全文見古誌石華

誌云葬於長安口口鄉咸甯縣志云縣民裴氏家藏案此石今久逸矣誌前題銜墓作慕蓋筆

誤也唐制凡刺史有使持節某州諸軍事某州刺史蓋以郡守而掌兵權猶遵漢制故上州刺史從三品中州刺史下州刺史皆正四品下威望素崇非若今之牧守僅知民事也故百官志云諸軍各置使一人五千人以上有副使一人萬人以上有營田副使一人軍皆有倉兵冑三曹參軍事刺史不領使者則否銓音吟

唐安寺尼明空墓誌

王鑑撰大和八年

逸

全文未見

此誌之名見觀妙齋金石文考略案渭南趙乾

生詹事

元中

家藏有唐上都唐安寺廣惠塔銘

一石其石出於韋曲

在西安府城南三十里

唐安寺當在

今咸甯縣境內此誌亦當出於其處故記之

裴潏夫人杜氏墓誌銘

杜寶符撰裴潏正書大和九年歲次乙卯十一月

未詳所在

全文見古誌石華續編

誌略云夫人京兆杜氏七世祖封萊國公名見  
史籍夫人曾大父諱含章任左千牛累贈鄭州  
刺史大父諱綰任京兆府司錄累贈尙書左僕  
射父諱黃裳任檢校司空同中書門下平章事

兼河中晉絳慈隰等州節度使累贈太尉夫人  
天錫明敏笄年適河東裴潏生子九人長曰杲  
次及女等皆稚子夫人享年卅七大和乙卯歲  
歿於崇賢里僦宅以其年十一月廿九日權窆  
萬年縣甯安鄉杜光里

此誌本出咸甯今未詳所在矣誌云夫人七世  
祖封萊國公謂杜如晦也夫人爲杜黃裳女黃  
裳爲唐時名宰相唐書有傳誌云夫人曾大父  
含章任左千牛累贈鄭州刺史宰相世系表則  
云含章爲定州司法參軍誌云夫人大父綰任

京兆府司錄累贈尚書左僕射宰相世系表但云紹爲京兆府司錄參軍而不及贈官蓋表中所載皆不若誌之詳也誌中所載黃裳官秩多與史合惟傳云黃裳嘗封邠國公卒謚宣獻誌中未載而傳云贈司徒誌云贈太尉爲小異耳誌云夫人有兄弟四人撰誌之杜寶符卽夫人之弟而宰相世系表所載黃裳之子一名勝字斌卿天平節度使其一名載而未列寶符之名得此可補其闕 新唐書百官志上州司法參軍事二人從七品下中州司法參軍事一人正

入品下下州司法參軍事一人從八品下京兆府司錄參軍事二人正七品上

三藏大遍覺法師元奘塔銘

劉軻撰沙門建初行書開成四年五月

存

全文見金石萃編

雍州金石記云此石在西安城南四十里興教寺案塔銘前序云塔在長安城南二十里初高宗塔於白鹿原後徙於此肅宗賜塔額曰興教因爲興教寺寺在少陵原之陽後序云麟德元年正月八日門人元覺夢一大浮圖倒法師曰

此吾滅度之兆至二月五日夜弟子光口問云

和上決定得生彌勒內眾否頷之得生俄而去

春秋六十九矣以四月十四日葬於滄東

此即前序

所謂白鹿原

至總章二年四月八日有敕徙於樊川

北原

此即前序所謂興教寺在少陵原之陽者也

云云法師卒於高

宗時此銘刻於開成時蓋沙門令檢重修此塔

句軻爲之記也新唐書藝文志云軻字希仁元

和末進士第洛州刺史撰帝王歷數歌一卷文

一卷三傳指要十五卷牛羊日歷一卷又唐撫

言云軻慕孟子爲文故以名焉少爲僧止於豫



章高安之果園後復求黃老之術隱於廬山既而登進士第文章與韓柳齊名文苑英華選中載軻所撰農夫禱一篇文頗峭潔於柳州爲尤近

慈恩寺基公塔銘

李宏庶撰沙門建初行書  
開成四年五月

存

全文見金石萃編

塔銘序云法師以皇唐永淳元年仲冬壬寅日卒於慈恩寺有生五十一歲後十日陪葬於元奘法師塔亦起塔焉又云師姓尉遲諱基字宏道其先朔州人先考宗松州都督伯父鄂國公

國初有大勳力云案此石亦在西安城南興教寺中

內侍王文幹墓誌銘

趙造撰蕭睦正書  
會昌四年十月

逸

全文見古誌石華

誌云葬於鳳城東龍首原關中金石記云石在

西安龍首原案此石今久逸矣

內侍省內府局丞王守琦墓誌銘

劉景夫述正書  
大中四年正月

未詳所在

全文見古誌石華

誌云鄉曰崇義村號南姚案張佺墓誌云寔於

萬年縣崇義鄉南姚里唐萬年縣爲今咸甯縣  
是南姚固屬今咸甯縣境矣此石本出咸甯今  
則未詳所在 古誌石華云天子曰崩諸侯曰  
薨薨字尙有通用此誌書卒曰崩則妄甚矣

內侍省內僕局丞李從証墓誌銘

尹霍鐸撰林言止書 大中五年正月

月

未詳所在

全文見古誌石華續編

誌略云府君姓李名從証曾祖諱溫祖諱進超  
興元監軍烈考諱行邕有命子三人公卽第三  
子也事武宗皇帝授宣義郎行內侍省內僕局

丞員外置同正員上柱國大中四年十一月十六日終於廣化里私第有命子一人曰敬融大中五年正月廿三日葬於先塋碑堂之東地卽京兆府萬年縣澁川鄉上傳堂置其墳焉

此石本出咸甯今未詳所在矣

軍器使內寺伯贈內常侍袁公夫人王氏墓誌銘

王孟

諸撰正書

大中十四年

未詳所在

全文見古誌石華

誌云窆於萬年縣灊陵之原案此石本出咸甯今未詳所在矣

臥龍寺大悲心陀羅尼經幢

正書

咸通二年正月後有二

讚口穆造

存

讚文見金石萃編咸甯縣志云在臥龍寺

滹河經幢

正書

咸通二年八月後贊彭城郡夫人劉氏建

未詳所在

贊見金石萃編

寰宇訪碑錄云在咸甯今未詳所在矣

國子祭酒嚴密墓誌銘

王茲文正書

未詳所在

全文未見

會稽趙氏

之謙

續寰宇訪碑錄云此石在咸甯

今未詳所在

開元寺尊勝陀羅尼咒

正書

咸通七年二月李君佐建左

有光化二年另繼宗題字

未詳所在

咸甯縣志云在開元寺今未詳所在

令狐統墓誌銘

令狐澄撰令狐詢正書  
咸通八年八月

逸

全文備錄

唐故朝散大夫檢校尚書比部郎中兼侍御史

知度支陝州院事令狐府君墓誌銘

并序

堂姪浙江西道觀察判官朝議郎殿中侍御史

內供奉柱國賜緋魚袋澄撰上

府君諱統字垂之錫姓受氏具小子

烈

祖贈太師文公所撰

祖德碑君卽

皇綿州昌明縣令贈司空諱崇亮之曾孫

皇太原府功曹參軍贈太尉諱承簡之孫

皇郢州刺史諱從之第三子

母夫人博陵

崔氏 故代州司馬諱誼卽君之外王父也

君幼時實以正嫡特鍾

故郢州府君

愛旣孤能尅己自立事

母夫人以孝聞

及壯以

門蔭解巾河中府虞鄉尉秩滿調授

稷山猗氏二縣令其在稷山有大獄前政不能

決者君立爲辨析人伏其能而又清慎勤恪庭  
無畱事 丞相夏侯公理故絳舉君所行以勉  
屬邑 今相國徐公鎮河中以君廉能署攝河  
西縣令未及奏上旋丁 博陵崔夫人之

艱及居喪朝晡常祀必手自捧持號泣荐奠孺  
慕之行聞於親族間 大司計熟君政事連委  
重務自河中院轉河陰院奏授侍御史又轉解  
縣池院及安邑院事得檢校比部員外郎久之  
署攝東渭橋給納使復檢校比部郎中知陝州  
院事累考十六授五品命服君亟領煩劇彌彰



利用剖剔盤錯鉅刃不頓方將布二天之化息  
愁恨之聲寵列幡蓋忝分憂寄而運窮數絕  
痛矣奈何以咸通八年五月二日暴疾終於陝  
院之官舍享年四十七君娶故曲沃縣令博陵  
崔厚女先君而歿生二子男曰喬兒女曰梁四  
別子三人女一人喬七纔勝喪有成人之度餘  
皆纍然孩提可哀也已得吉以其年八月六日  
歸葬京兆府萬年縣焦村之先塋啟崔氏之  
墳而祔焉禮也嗚呼君於小子爲同堂叔父  
仁愛素厚承訃增哀其孤喬遵理命俾撰文誌

銜悲敘德署諸墓門銘曰 孝爲行基君實充  
之卓魯之化人皆去思研桑之術吏不敢欺有  
才無數竟何施爲秦原逶迤秋風悽悲一閉元  
壤千秋已而 堂姪鄉貢進士洵書并篆額

此誌於同治時出土爲帖賈薛氏所得出售無  
問津者因磨去文字石作別用可惜也余觀其  
文體雅潔敘事簡淨因錄之俾傳久遠焉 統  
爲宰相令狐綯之兄弟行其三代世系詳新唐  
書宰相世系表中表云統之曾祖宗亮官昌明  
令祖承簡字居易官太原府功曹參軍皆與誌

合而不及贈官又表言統父從官檢校膳部郎  
中誌云從官郢州刺史蓋表略而誌詳也統及  
其子喬之名表均未載得此可補其闕焉撰文  
之令狐澄楚之孫綯之子楚綯皆以文名觀澄  
所撰可謂能嗣家聲矣誌云烈祖贈太師文公  
卽楚也惟傳言贈司空誌作太師爲不同耳書  
誌之令狐洵表亦未載又誌云丞相夏侯公夏  
侯孜也今相國徐公徐商也孜于大中十二年  
四月戊申同平章事商於咸通六年六月同平  
章事均見新唐書宰相表焦村今屬咸甯金甌

霞社社在西安府城南十五里 新唐書藝文  
志貞陵遺事二卷令狐澄撰注云綯子也乾符  
中書舍人案宋人百家小說載有大中遺事數  
頁題云令狐澄撰疑卽此書蓋大中爲宣宗紀  
元貞陵乃宣宗陵號惟百家小說誤以澄爲宋  
人是宜正也 銘云研桑之術吏不敢欺考史  
記貨殖列傳裴駰集解引徐廣說曰計然者范  
蠡之師也名研故諺曰研桑心算案銘語本此  
新唐書百官志太原府功曹參軍事二人正  
七品下膳部郎中一人從五品上比部郎中同

內莊宅使內侍省內侍劉遵禮墓誌銘

劉瞻撰崔筠行書咸通

九年十一月

未詳所在

全文見古誌石華

誌云窆於萬年縣崇義鄉澆川西原案此石本

出咸甯今未詳所在矣隋唐石刻拾遺引偃

師武授堂大令

傳

說謂此誌書法似柳誠懸信

然也

魏王府參軍李纓妻楊氏墓誌銘

李纓撰正書咸通十四年十一月

月

未詳所在

全文見古誌石華

誌云寔於京兆府萬年縣小陽村案此石本出咸甯今未詳所在矣魏王名佾懿宗子見新唐書十一宗諸子傳

河南府錄事趙虔章墓誌銘

孫渚撰姚糾正書  
乾符三年九月

未詳所在

全文見古誌石華

誌云葬於萬年縣甯安鄉三趙村案此石本出咸甯今未詳所在矣此誌書法精整爲晚唐佳刻姚糾之糾音旬說文糾圓采也玉篇條糾也急就篇注糾緣履之圓條新唐書百官志河

南府錄事四人從九品上

牛頭寺陀羅尼經幢

沙門詞浩述讚并正書  
乾符六年二月宋遙建

存

讚文見金石萃編

案牛頭寺在西安府城南韋曲距城二十里

枝

嘗往遊見此幢字尙完好寺旁爲杜子祠風景

極佳秦中勝地也

內樞密使吳承泌墓誌銘

裴廷裕撰閩湘行書  
乾甯二年十一月

逸

全文見古誌石華

金石記此誌在西安府城外十五里田家灣石

幾磨滅驟視幾不能讀書法極精以字小而瘦

故尤覺脫滅耳案此石本出咸甯今久逸矣

新唐書藝文志裴庭裕東觀奏記三卷注云廷裕字膺餘昭宗時翰林學士左散騎常侍後貶湖南卒案藝文志作庭裕注中作廷裕雍州金石記關中金石記潛研堂金石文跋尾寰宇訪碑錄均作廷自當從廷爲是

眞空寺尼韋提墓誌銘

辛酉撰正書  
無年月

逸

全文見古誌石華

誌云措於萬年縣禦宿鄉案此石本出咸甯今久逸矣



開福寺經幢

行書  
年月缺

未詳所在

寰宇訪碑錄云在咸甯

開元寺經幢

行書

年月缺上下俱失止存二尺許經序自  
今時三十三天起

未詳所在

寰宇訪碑錄云在咸甯

慈恩寺經幢

正書

年月泐未二行字體不類稱大朝丙午  
仲夏蓋元人磨去舊刻重書者

存

咸甯縣志云在慈恩寺

開元寺唐梵二體經幢

沙門海覺海梵書  
無年月

未詳所在

寰宇訪碑錄云在咸甯

香積寺經幢

正書年月泐記云張延美自述及眷屬題名末又有開元寺青龍院三峯石作

等字

未詳所在

寰宇訪碑錄云在咸甯

長明燈臺經幢

正書無年月

未詳所在

咸甯縣志云幢六面三面刻佛像三面刻經下

截缺在牛頭寺今未詳所在

咸甯縣補遺

唐

蕭灌墓碑

張說撰梁昇卿入分書實刻類編云開元十八年五月

逸

全文未見

趙岫遊城南記云出西安府南門至慈恩寺東南行一里卽曲江又東南二里爲三趙村又東南五里爲張曲張曲之西爲趙村趙村西爲高望有蕭嵩父灌墓碑案此石今久逸矣

段府君碑

逸

全文未見

趙岫遊城南記云由高望東南行至龐畱宿王甥莊西半里爲秦惠王墓墓前掘得段府君碑碑字皆平隱隱可讀乃唐段志元父也碑額字亦漸平細如處州縉雲碑似是石理漸長歐陽

永叔言不誣耳 案龐畱村在西安城東南三

十里大姚村之南焉

西平王李晟先廟碑

張或撰韓秀弼八分書  
寶刻類編云貞元八年

逸

全文未見

宋張禮遊城南記注云慈恩寺西南一里許有

李晟先廟碑工部侍郎張或撰建業韓秀弼八

分書字畫厯厯可讀

贈戶部尚書楊貞公瑒廟碑

李林甫撰王曾書王敬  
從題額

逸

全文未見

相國令狐氏廟碑

劉禹錫撰正書陳錫篆額  
大和三年

逸

全文未見

宋張禮遊城南記注云出啟夏門

案啟夏門在慈恩寺東南

南審之間南審一名杜光村疑卽李琮墓誌所謂萬年縣甯安鄉杜光里也

少西北

有楊瑒及令狐氏廟碑

郭敬之神道碑

逸

昇平公主墓碑

逸

宋張禮遊城南記注云由杜光村

杜光村一名南審在慈恩

寺東南歷仇家莊莊西北有三大碑一壽州刺

史郭敬之神道碑敬之字敬之子儀父也以子

儀賁贈太保徐國公

徐當作祁郭氏家廟碑額作祁國公焉

碑額

御題韓國公苗晉卿撰序蕭華書其一郭氏所  
尙昇平公主墓碑撰人姓名缺

大德禪師碑額

未詳所在

趙岫遊城南記云在咸甯縣南門外興善寺銅  
佛閣下

關中金石文字存逸考卷五